

雲南府志卷之第十三

人物志二

忠烈

雲南府 昆明縣 附郭

元

仁通

雲南省理問廉訪副使朶兒赤之子大曆二年三月雲南諸王與萬戶伯忽等叛仁通率官軍抗之歿於陣

馮文舉

四川什邡人初舉鄉試授漢州學正達魯花赤燕僚佐以一手致酒舉不受隱去次科登進士第仕雲南儒學提舉至元間明王珍攻雲南城將陷文舉謂其妻馬氏曰

雲南府志

卷之十三

人物二

一

某受國恩愧不能退賊今有死而已爾光州馬中丞孫女也其從之乎馬曰夫以義忘妾生何益遂焚香北拜俱縊於學宮

驢兒達德

為雲南行省右丞初達里麻既敗梁王聞之與其母嘉僖妻忽的斤等百餘人乘舟趨昆明池謂驢兒等曰我宗室無降理仰藥死妻子皆死之驢兒達德既進毒於王亦皆自殺妻子從死者二百餘人

明

徐

樾

字子直江西貴谿人任左布政使嘉靖間元江那鑑叛尋詐降撫臣以大吏往撫樾行被殺贈光祿卿

張

澤

字義甫江南桐城人由選貢初任廣安州知州嘉靖間以治行卓異擢雲南僉



臬後督兵討鳳繼祖敗績被執罵賊而死贈光祿寺少卿

**程世勳**

後衛百戶嘉靖四十五年官兵討鳳繼祖世勳奉檄護餉至金沙江因令督偏

師出哨至波羅結堡陡值賊眾力戰死

**程坤**

昆明人以武進士為幕府贊畫天啟間陞四川總兵中軍會西路總兵坤率兵

赴援至畢節城陷被執不屈而死月餘精英屢見時聞陰風中有為厲鬼殺賊之語

**周嘉映**

字伏龍雲南中衛人天啟間以武舉署霑平守備值霑益諸彝多不測時正發

兵援蜀映以密書告變謂蘭州之患遠在千里霑益之憂近在目前宜密為之備語洩諸彝皆恨之後從參將尹啟易討賊馬贖為賊所害

**周二南**

字汝為隄人天啟間選貢授長沙府判超陞岳州知府士民遮留不得行改陞

**雲南府志**

**卷之十二**

人物二

二

本府知府闖賊犯瀏陽南率兵剿禦鏖戰竟日後軍不繼遂死於陣事聞贈太僕寺卿祀

忠烈祠廕子入監

**朱永吉**

字飛之廣西桂林人精天文術數初客黔投傳宗龍幕中安邦彥圍黔永吉解

圍有功後隨宗龍至滇崇禎間滇巡撫王伉討晉各聲題授遊擊屢破賊眾為名聲所憚後因吾必奎通賊永吉身被重傷力戰不已會諸軍皆潰自刎死偏將趙能馮忠葬於路側趙能亦自刎事平題請廕一子世襲百戶

**周世昌**

四川內江人崇禎初任雲南右布政使土賊晉名聲叛巡撫王伉疏請會剿令

世昌監軍會巡撫被勒糧餉不繼及監紀知縣王信皆被殺

**羅國巘**

宜賓人順治丙戌年任雲南巡按沙定洲陷省城不為屈行法自如流寇至國



嘯巡視被執至  
省縱火自焚死

陳禎

指揮應襲順治丙戌年沙賊  
略城巷戰力殺數人而死

朱壽鏞

明宗室山東兗州人崇禎末以部院徵  
兵雲南孫可望至曲靖被執不屈械繫

二十餘日強以官復大罵不食可望殺之題  
詩於壁云丈夫勁骨傲千秋青史丹心一片  
留金碧有隣隨我化江山多故倩誰收煙塵  
已暗中原路風雨仍翻徹夜愁寧使忠魂歸  
見帝肯教含垢對深  
讐與僕三人同遇害

本朝

高顯辰

直隸灤州人康熙九年任雲南府知府  
立品剛方蒞治嚴核胥吏不敢肆其奸

吳逆叛抗節不從遂杖於市戌永昌衛服毒  
以死事聞贈太僕寺卿廕一子入監讀書同

雲南府志

卷之十三

人物二

三

知劉崑江西南昌人峻厲公忠不阿吳逆與  
顯辰同日受杖戌騰衝

旨仍以原官補用

○富民縣無

○宜良縣無

○羅次縣無

○晉寧州無

○呈貢縣

明

王

信

四川宜賓人崇禎間任知縣七酋曾名  
聲叛鎮撫令信為監軍敗績罵賊而死



事聞予  
贈廕

夏祖訓 浙江嘉興人崇禎間任知縣流寇入滇祖訓率眾固守城破被執不屈而死

○安寧州無

○祿豐縣

明

蘓夢暘

萬曆三十五年任知縣時鄭舉等叛從武定寇祿豐夢暘率民兵力戰至元旦方朝服祝釐賊眾擁至被執不屈死之男萬民為父上疏奉

旨贈光祿寺少卿  
陰子立祀

唐俊德 鄉紳

雲南府志

卷之十三

人物二

四

周之麟 庠生

陳宰 百戶

李印 土官

俱邑人萬曆三十五年鳳賊攻掠縣治俊德等立戰被殺有司具題祭祀於忠烈祠

○昆陽州

明

冷陽春

貴州石阡人由舉人崇禎間任知州丰儀偉壯吏治和平流寇入滇偕民兵守城與賊抗戰死之



○易門縣

本朝

胡邦靖

江西安福人由舉人康熙三年任知縣土酋王耀祖叛破縣城被執不屈死之

○嵩明州

明

龍

旌

趙州人舉明經萬曆間為嵩明州學正賊攻州城旌倡大義效死不去比城陷

被執罵賊而死詔贈國子監博士

韋宗孝

萬曆三十年任本州吏目楊禮等攻嵩明城陷宗孝闔門死之詔贈本州同知

廕一子入

監讀書

雲南府志

卷之十三

人物一

五



雲南府志卷之十三

人物志三

孝義

雲南府

昆明縣附郭

元

楊立義

中慶人任騰衝府同知事親至孝親沒負土成墳奉詔旌表

明

段澍

洪武丁丑進士事親至孝以監察御史就養改姚安府教授

熊信

字以成宣德間孝廉授禮部主事尋改兵部乞歸終養杜門謝客足跡不踐公

雲南府志

卷之十三

人物三

一

門母歿絕意仕宦孝子祠祀之

方玘

字公佩後衛指揮使弱冠時得遺金訪其人還之景泰末年歲饑流離載道玘

傾庾賑濟死者葬之卒年三十二妻曹氏以節稱

周良卿

右衛人父母皆年逾六十生四子長為千戶早逝三子意欲均養良卿泣日兄

亡任孤二弟涼薄奉養不繼誰之罪也乃躬事其旨不衰母病湯藥親嘗迨歿事之如存

楊世麒

字明徵右衛人補弟子員事母最孝母卒哀毀欲絕至喪明後當貢期竟不能

赴任

傅良弼

澄之子正德甲戌進士任吏科給事中以生母在堂求終養好施予每遇寒食

親故絕嗣者皆具牲酒奠其墓入滇孝子祠



孟富

號漁溪少力學嘉靖間母亡父老遂不

應制舉承顏之暇刻意苦吟親終廬墓

子養浩舉明經能繼父志輯父遺藁名曰漁

段有學

字可仕嘉靖癸卯舉於鄉以母老終養

二十年不仕母卒廬墓盡哀後授中江

宋應時

父死刺血雜土塑父像以祀廬於墓及

應時妻死子文學負土成墳亦廬於墓

甘旨

偶野火將及拜風而火息又值羣賊剽掠重

其孝義餽以豚米不納子孫化之世以孝稱

雲南府志

卷之十三

人物二

二

力辭優游山水以終其身

畢

事親至孝嘗入蜀過鄆都縣得遺金

施汝翼

不取鄉人貧而貸者焚其券不責償

昆明人昱之子登嘉靖乙卯鄉薦天性

李堯相

篤誠親沒廬墓有芝草之瑞賑貧乏返

陳履厚

遺金後計偕卒於途孫堯化成進士官吏部郎

善事親撫幼弟堯卿於襁負中卿亦感

之敬兄嫂如父母一門藹然鄉閭生慕

寶雙桂

父宦京師厚從之父卒哀毀骨立先達

謂滅性非禮乃強進粥扶襦還里遇風

雨泥淖號泣而行濡足泥中未嘗少避至龍

里遭安賊之變賊擁至焚其柩厚兩手抱棺

抵賊聲色哀厲賊以戈擊之死

於柩側黔中侯侍御以其事聞

五歲而孤家貧好學博通經史事孀母

以孝撫幼侄以義撫按督學旌表之



周作樂

萬曆壬午科舉人初任四川巴縣知縣

陞山西澤州知州澤為晉繁劇樂才力綜核百事辦舉晉戶部員外郎再陞工部郎中

會計營繕有條出為四川遵義府知府所在以仁孝感人不肆刑威遵人愛而化之母閔

氏年老請歸色養備至母卒廬墓三年服闋撫按屢起不出以詩交山水終老焉

王來儀

字仲威希堯長子登萬曆庚子鄉薦庚戌會試擬元以五策平頭不錄主司深

惜之任吳縣學博獎拔寒士陞湖廣嘉魚知縣性介直不媚上官上官啣之以捕盜事中

傷歸里日以詩文自娛甲申聞變門人王錫衮有督師之任諭以忠義泣而勉之丁亥流

寇入滇罵賊而死著有晴陘集

林春茂

少失父事母以孝聞親歿廬墓三年寢苦枕塊哀毀泣血屢奉旌獎

雲南府志

卷之十三

人物三

三

劉

撫

崇禎癸酉舉人歷任戶部主事為闖賊所執三木橫加折一足未死歸至滇流

寇使人招之授以督學撫曰京師不死已無面目見先皇豈復為流賊官耶大罵而死

周宗德

庠生美鬚髯善擊射明敏慷慨黔國公以國士待之授副將職仍以醫術濟人

事父紹軒母王氏以孝聞教育諸弟侄有成凡衣食生產無一不周給當道旌曰孝行可嘉

沐天澤

黔國公天波弟任都使司乙酉沙賊叛率兵巷戰被執不屈殺於南門日月營

徐高遷

沐鎮裨將沙賊陷城人無鬪志遷意在糾眾援剿莫有應者遷知事不可為合

家閉門自焚死

楊永言

崇禎癸未進士授崑山縣知縣嚴剔里甲積弊卓有治聲值寇破城巷戰而死

李

瑗以武舉授贊畫守備屢著戰功陞貴州都使司軍民泮眼瞻畧偉雄



黃恩

右衛百戶沙逆陷城之日率家丁數人巷戰連殺數賊終以賊衆不勝死

陳爰詢

崇禎庚辰歲貢分訓南溪待士忠恕時流寇亂蜀詢力陳防禦之策撫軍陳推

重之委署馬湖屏山縣策及賊寇馬湖詢走鳥蒙乞兵救援馬湖恢復總督樊奇其才以功授本府推官復傾囊募士軍聲大振未幾敘府失機馬湖復陷詢率衆誓死以報國恩至中途心忽大痛厲聲曰吾生不能滅賊矣死將訴之上帝陰擊之語未竟墜馬卒土人為具棺殮之丁未其子始迎襯歸葬

溫如孔

崇禎戊辰武進士善騎射有大志任貴州鎮西衛守備苗叛官兵相持半載不

下孔領健卒進剿殺賊建功陞臨元叅將尋擢貴陽副將沙酋之叛提兵援滇於盤江對壘十月及後流寇入滇義不見賊隱居深山以壽終

雲南府志

卷之十三

人物三

四

楊斌

字用予崇禎辛未武進士初授貴州思石守備綏兵緝卒邊境肅清水西安酋

作叛斌單騎入賊壘諭以利害賊爲感化陞四川漳臘遊擊未任隨轉雅黎副將撫鎮會題代黔國統兵入衛至貴州安南撲滅苗賊生擒賊首張友等十二名解總制正法適滇武定吾必奎叛黔國飛檄調回征平之後隨乞致仕奉旨起爲右軍都督同知不出丁亥四月流寇入滇義不從賊歸耕隴畝以壽終

陳爰謀

原任知府致仕家居沙賊破城逼欲用之不屈而死

周宗仁

廩生醇厚孝友事母能養志兄罹難則變產贖之弟廷試捐金以助生平多陰

德有譽望按院旌之日孝子弟弟歲給作養

郭崙

歲貢生任楚雄訓導乙酉沙賊叛崙與叅議楊畏知首倡大義建策守城時賊



攻楚雄其妻葛氏曰我先死勿致吾累庶可盡心為國遂投井死及流寇入滇對毅然赴省陳說匡明大義寇義而縱之至楚雄奉楊參議畏知檄往各府調兵畏知與流寇戰於獅子口兵敗對孤守大理孫可望可

蔣

薦

前衛百戶聞流寇至滇夫妻子婦俱自縊死一時諸侄子女及奴婢感激同死

者七人存一子名以惠付其姑撫之

劉昌應

右衛人武進士任法古甸叅將流寇入滇倡義起兵屢戰不克為偽總兵王克

明所執孫可望欲活之應不為屈遇害

向琪

左衛百戶聞流寇至宜良義不欲生合家治酒飲畢男婦主僕十六口皆縊死

劉惟馨

癸卯舉人任陝西鄜州知州值流寇倡獮圍城馨拒守不旬日內應城陷馨著

雲南府志

卷之十三

人物三

五

衣冠坐敵樓上大罵賊亂刺而死

施於京

庠生有大志丁亥流寇將至撫膺嘆曰吾祖若父世受國恩願以死報及城潰

與妻子闔門舉火自焚死

向宸

官百戶丁亥年流寇入城義不從賊闔門自焚死

陳大經

號爾至少穎悟喜讀書慷慨有大志善騎射以材畧兩舉鄉試嘗曰大丈夫當

建功績徒碌碌何為益揣摩韜鈴家言時黔國公聞其賢延與計事吳必奎叛大經典大

西門城守事其防範沙逆動中機宜屢為于錫朋沮抑及沐天波出亡叩馬進日待大經

殺賊不勝公行未晚也錫朋與沐天波倉皇抽刃殺大經而去聞者莫不流涕

畢大顯

萬曆年歲貢生天性純孝事親能養志兄當赴試貧不能往顯即捐金五十助



之教第二人遊泮各為婚冠甚愜親心學道黃具詳旌匾曰孝宗會閱卒入祀孝子祠

本朝

薛大觀

字爾望與子之翰俱有才名順治十五年雲南潰兵肆掠義不受污舉家至城

北龍泉觀置酒亭上慷慨賦詩妻女皆誓同死時有奴僕在傍大觀以所積白金分授之令其別往奴僕哭曰主人死我輩豈忍獨生以金擲水中遂相率赴龍潭死數日屍浮水面闔家七人皆牽聚一處布政使彭而述為賦龍潭曲按察使許弘勳懸額水亭以表之

單武襄

歲貢生順治十五年遇潰兵武襄闔門舉火自焚書於門曰一門完節

楊樹烈

任四川南川縣令致仕歸介直尚義及鼎革後滇城潰兵屠掠舉家倉皇奔避烈獨居家置香案著衣冠北面再拜縊死逾月家人還視面色如生人以為忠義所致

雲南府志

卷之十三

人物二

六

寇覲明

歲貢生任永昌訓導順治十六年永昌城破明調子緒萊曰為臣盡忠為子盡孝吾受國恩義難苟免潛至北門外束冠帶自縊死

楊衍慶

性孝謹父端常出貿易祖母久病慶躬奉不衰順治十五年大師入滇流寇潰兵肆掠慶負母隨父避之父為潰兵所掠慶迫救并遭拷執索杖俱斷驚而釋之父病

省視湯藥嘗糞滌器康熙五年撫院袁懋功檄學道何起鵬給衣頂匾額旌之

施逢泰

事親至孝傭工以養康熙二十年大於姚安方山置胡國柱兵劫執其父泰憤甚躍出罵賊賊擊殺之泰死羣賊悔而釋其父

竇觀光

字景儀貢生少穎敏以才學名立品端方處家孝友生平好善樂施凡比閭族黨中有婚喪疾貧不能應辦者光必捐力相助遇人無論賢愚老少悉以善勸勉之雖老



不倦以故鄉人感其德卒之日哀哭  
滿道康熙三十三年詳請入孝義

○富民縣

明

劉連璧

庠生家貧篤孝凡死無主及孤獨有疾者悉殮瘞濟藥其他隱德不令人知

李開芳

生沙賊破城妻張氏同二子先投井死芳同生員王朝賀至松花壩各縊死

○宜良縣

明

王璽

事母至孝登弘治壬子鄉薦授合山教諭母卒廬墓後歷官涪州守不忘少慕

本朝

雲南府志

卷之十三

人物二

七

李先芳

江頭村人性倜儻順治十五年冬賊兵潰敗大肆劫掠芳知不免乃閉戶積薪

同母李氏妻安氏弟婦董氏史氏楊氏侄壽祿竝侄女等舉火自焚而死

柳邠

字仲魯邑增生其祖光禮中明崇禎丙子鄉試任新暨縣令國初改授武城知

縣卒於官時南北音問不通三子繼歿康熙丙寅寅訃音至邠日夜號哭急往迎葬家貧無貲賣屋得金徒步數千里奉祖骸歸邑令高士朗嘉其義申詳各憲學道吳自肅給匾曰孝行可風

○羅次縣

明

劉繹慶

官衛指揮聞流寇至義不欲生痛哭數日不食而死



○晉寧州

明

王護

正統間輸粟賑濟詔表其門

唐

位

字朝相少隨父至京師見父所友皆天下士雅自奮勵歸而受業於朱清庵之

門朱奇其才以女妻之弘治壬子舉於鄉入太學父死聞訃哀號奔走萬里水漿不入口者三日淚盡嘔血而死妻朱氏有節操子鈞列科日

段伯美

崇禎壬午舉人流賊圍城美率諸生余繼善耿希哲竭力抗守城陷不屈而死

○呈貢縣

明

雲南府志

卷之十三

人物二

八

劉鼎新

為諸生時慷慨好義鳳克之變邑中亂民有思應之者鼎新倡義擒十餘人邑

民帖然歲歉常減價出糶後中已酉舉人任四川雙流縣知縣奢貢亂起令民婦女老弱匿他所獨與丁壯居守賊至開門誘入手刃二賊出伏兵擊之賊死者甚眾屢攻不克遂督鄉兵援省城賊望旗避之省圍解功陞敘州府同知監兵攻蘭州斬渠魁魯仲賢以勞瘁卒於嘉州

○安寧州

明

傅以恭

字默庵嘉靖甲子歲貢授四川興文縣訓導未幾告歸有縉紳遣使致書餽

甚厚以恭受書反餽家居捐貲救患周恤蜀祀各宦



趙禧 字念庭嘉靖甲子歲貢授教諭造士以德行爲先積穀歲饑率以賑貧有貸者

悉焚其券及歿人爭償之

張翥 序生父沒廬墓三年有紫芝馴兔之異萬曆間具題旌表

羅廷寶 號方塘萬曆間以異才授山東鄒平丞告養歸田絕意仕進舉外姑之喪歸焚

次之旅施棺掩骨陰德過人壽九十一而終

楊恩選 任成都衛經歷幼有志性每得蔗菓必以奉親不敢先嘗萬曆庚子父宗學病

甚醫藥罔效夜拜北辰求以身代如是四十九日夜夢神告曰汝父疾不可起上天鑒汝

真誠爲延汝父算一紀父疾果瘳迨癸丑父卒果符其夢

陳達道 字礎霞自少篤孝遭鳳賊之難隨父出避兵常以身捍父年十五父沒勵節讀

雲南府志 卷之十三 人物三

書事毋董氏曲盡孝謹母病嘗糞嘗藥焚香告天請以身代已卯以拔貢應秋試將放榜風雷大作當事震恐疑有遺賢乃於落卷中拔置達道第一人咸謂孝感所至歷官貴州憲副以孝行旌表至再鄉黨咸推

○祿豐縣

明

唐文炳

唐文蔚 正德六年父銓母關氏相繼卒時文炳年十四文蔚年十一兄弟廬墓三年刺

血和泥塑親像祀之文蔚祀兄如父嘉靖三十五年巡按劉涇上其事詔旌表

張鳳翽 嫡母病患疽翽吮之得愈值兵亂肩刃救父事聞給冠帶旌表其門



○昆陽州

明

杜惟喬

字汝遷歲貢生居父母喪哀毀盡禮廬墓三年墓前麥生九穗瓜結如斗人謂

孝感所致

安如磐

字克堅以貢入太學聞父病徒步抵家比卒哀泣成禮服闋不仕歲節時祀之

如生

李桂

萬曆甲午歲貢任河南唐縣訓導丁內艱不起清介自持孝親友翁閉戶讀書賦詩自娛絕跡公庭鄉黨推重之屢舉鄉賓年逾八十而終奉文旌獎

楊士芳

萬曆癸丑歲貢生性嚴正歷任貴州平越通判政教卓異致仕養親偕弟士葵

雲南府志

卷之十三

人物三

十

士蓮同居共產終身不衰暇日訓課子弟族黨有孤貧者力為嫁娶與鄉飲七次

李守質

性篤孝崇禎丙子歲貢任江夏訓導造土有聲流寇至藩撫分命守城城陷不

屈罵賊死

王謨

崇禎年歲貢品行端方學問純粹事母以孝事兄以敬隱居不仕流寇至被執

不屈死之

楊應時

貢生任四川仁壽縣尉天性孝友兄弟同居家貧祿俸不分率諸弟奉親孺慕不懈知州石三復重其行又以其先人楊琮有孝友名額其門日孝友世教

李淳

鄉賢兆旂第七子孺慕篤摯年十五隨父任廬江值流寇圍城父攜之守北門城陷父罵賊死淳伏屍痛哭死之學道魯鑑旌之日一門忠孝



胡郁然 廩生品行方正孝孀母流賊屠城之前

生我而我棄之何以生為寧與母死 葬未畢賊至被殺州人莫不哀之

譚三謨 崇禎癸卯歲貢任臨安府教授 師範懋著流賊破城闔家盡節

李方泌 廩生性孝友崇禎末流賊臨境同婦攜 四歲子掉舟避難賊掠船夫婦罵賊袍

子投 水死

陳九蛟

洪文彬 蛟年九十二彬年九十一皆秉性淳良 素相友善丁亥年流寇至滇兩人誓不

見賊相約敘 別各自縊死

○易門縣

雲南府志

卷之十三 人物

明

楊庸明 廩生崇禎五年蠻賊犯城 被執不屈罵賊而死之

○嵩明州

明

陳大韶 字舜舉父貢士客死京師韶扶柩歸中 途負擔自給既葬廬墓三年事母篤孝

母死復廬墓弘治間撫按具題旌表 後授嘉善司訓乞歸年八十而卒

楊坤 父卒於官扶襯歸葬即廬 於墓後遇賊負母而逃

楊泰宇 楊林人秉性直義於萬曆年間與省城 民言姓者貿易大理適言染疾將故言

子以不合於父久斥在外言以資八百金遺 楊托其移柩歸省餘者畀楊不及其子楊



古賞殆殮言姓走書省城遍覓其子維榮將  
原金如數與之維榮感其義捐半謝楊揚堅  
卻不受鄉黨  
多稱慕之

### 本朝

李九標

監生少博學循禮義年十八原配妻晁氏病故標誓不再娶孤潔自守娛志詩

書為懷弟立婚娶成家凡所遺產業悉付之弟毫無所與弟亦盡禮事之處族黨間尤多

隱德年六十清操恒如一日焉

楊

杞庠生天性純樸竭力奉親值母久病杞扶侍榻前躬嘗湯藥晝夜不倦仰天籲

禱願以身代母卒復廬墓三年棲風宿露鄉人勸歸不從因其為艸廬居之感有白犬守塚鵲巢低枝地湧甘泉之異人以為孝行所致康熙三十四年請明於各上憲准令地方

### 雲南府志

### 卷之十三

人物三

七

官給匾  
旌獎



雲南府志卷之第十三

人物志

列女

雲南府

昆明縣附郭

元

段

功妻阿益

益梁王女也王忌段功欲鳩之益知其謀以告功不信遂遇害

益以死自矢王百計慰之竟不食死嘗作詩哀功曰吾家住在鴈門深一片閒雲到滇海心懸明月照青天不語今三載欲隨明月到蒼山候我一生踏裏彩吐嚙吐嚙段阿奴施宗施秀同儂友雲片波潏不見人押不蘆花顏色改肉屏獨坐細思量西山鐵立霜

雲南府志

卷之十三

人物四

一

瀟灑○按彝語踏裏彩錦被也吐嚙可惜也反我也押不蘆北地回生州也肉屏駝背也鐵立松林也施宗施秀二妓名

皇甫璇妻楊氏

桑知州妻李氏

景縣尹妻王氏

三氏俱邑人元時以貞節旌表年分失傳

明

李仁山妻楊氏

山卒時氏年十八生女未逾月翁憐之諷令更嫁楊嗚咽斷一

指曰指續可嫁竟不能強泚武間旌表

嚴士良妻吳氏

福建侯官人洪武二十二年隨夫戍滇士良卒吳年二十撫孤

守節四十餘年宣德間奏聞旌表



孫 彬妻謝氏

三吳人雲南備軍永樂初從夫成交陞清化衛生子敬彬卒守

節久之有詔復安南國歸廣南同戍者強教  
遯海而南潛歸吳下謝聞而諭之曰汝父占  
戍籍汝私還勾牒必至自罹罪也且滇吳萬  
里浮海叵測萬一不諱而葬魚腹而父其為  
若敖之鬼乎乃與敬匿神祠中睨同戍者過  
盡循故道走間歸孀居五十餘年壽九十

魯 志

天 志前衛千戶早卒張  
年二十二守節終身

李 暘妻黃氏

暘卒時黃年二十有二守節  
四十年奏聞旌表年分失傳

盧 英短氏

英任雲南左衛指揮卒之時  
短氏年十九歲守節終身

劉 潤妻趙氏

潤為後衛指揮卒之時  
卒趙誓死不二

張 翊妻胡氏

翊左衛人翊亡胡氏斷髮自誓  
事姑盡孝守節撫子始邁成至

雲南府志

卷之十一

人物四

二

再竭誠籲天醫藥神  
效後以子矩貴贈

南村婦

嘉靖年間鳳克之變被驅奔竄始猶雜  
衆人中至南壩河自知不能免辱掩袂

投水而死竟不  
知為誰氏之女

閻 厚妻金氏

厚為罷諸生早卒無子金年二  
十五號痛殞絕口鼻流血家人

將屬續厥明復避遂竭力  
奉養繼姑四十餘年不怠

方 玘妻曹氏

後衛人夫早卒亦築白矢守志  
終身後以子貴贈夫人大學士

李東陽有可貞堂記  
奉旨旌其門日貞節

徐 昂妻顧氏

年二十而寡撫二孤日行日言  
行以鄉科授合江教諭卒於官

婦鄭氏年二十有七婦姑一志相守後十年  
先顧死遺二孤子日麒日麟顧又為撫之年



八十餘御史孫用表其門曰雙節

貞女楊氏齊姑

未嫁夫死在家守節有司旌匾二日乾坤正氣一日真心匪石

以節終身

良朝元妻郎氏

元魁諸生卒時年二十撫其遺腹一子後亦夭折郎矢志不二

紡績自給壽九十卒

廖忠妻梅氏

忠亡梅年二十有四其貧守節撫二子應合應奎俱成立

趙宣妻米氏

宣右衛人卒之時米年十九誓不二嫁時南陵伯毛福壽以征

麓川師歸在滇謀欲妾之米曰誓為之辭必欲相強惟有死耳卒不能奪守節五十七年

終年七十六歲屢奉旌獎

雲南府志

卷之十二

人物四

三

孫宙妻浦氏

浦氏烏撒衛孝廉浦仲良女也長適孫孫為上林監丞浦從宦

京師孫卒於官二子在襁褓浦剪髮撞棺忍死扶視歸既葬守塚傍慟哭不食死於墓

楊翱妻許氏

翱雲南府舉人卒之時楊年甫二十五誓不再嫁若節以終

楊廷詔妻謝氏

詔任百戶卒時謝年二十無子守節事姑至七旬而終

周允惠妻王氏

自二十九歲守節至九十九歲允歷六十餘年萬曆四十二年

撫按司道咸旌之

楊氏羅平姐

楊應春女年十五字三伯楊東明未嫁而東明卒女哀慟欲死以救

得免母欲改嫁不從自縊死事聞詔許祠祀今永清門內有列女坊

姜愷妻吳氏

夫死克守其節萬曆四十五年巡按御史吳應琦以節婦具題



准建坊遊  
表其門

林東樸妻李氏

早年喪夫守節五十二年撫子五人皆成立

周維新妻閔氏

維新死閔年甫二十九教諸子誦讀辟繯以佐膏火苦節五十

餘年臺司旌其門後以子作樂貴封太宜人及卒廵撫周嘉謨臨其隴題貞節二字勒石

王 宓妻時氏

宓病篤時以後事囑時氏時氏誓死相從及宓卒時年二十四勤

事舅姑撫育幼女荼苦自甘後翁姑相繼亡女已成成人遣嫁畢即自縊死以踐夫未亡時自誓之言奉題旌獎

竇康續妻謝氏

夫死時年二十九歲勵志守節凡歷五十五年教子雙桂成名

院司  
旌獎

雲南府志

卷之十二

人物四

四

董紹舒妻郭氏

年三十而夫卒郭矢志靡他孝事雙姑苦守三十餘年有司旌

孝  
日節

張 翹妻胡氏

翹家計甚貧亡遺二孤蕭然四壁胡不以此易節七十而終

劉體仁妻孟氏

仁任保寧府判卒於官孟匍匐間關扶視歸里紡績以供諸子

勤訓課使讀書聲與機杼相聞發後六子相繼以科第振起文徵順徵信徵其最著者也鄉黨莫不賢之後封安人

王 候妻段氏

嫁七年而候亡子萬年在襁褓養姑教子守節三十餘年

陶希哲妻祿氏

夫亡時祿年二十六歲栢舟自矢以紡績撫養二子成人守節

五十餘年  
壽八十終



張 翎妻朱氏

年二十一而寡守節勤苦持家嚴肅事翁姑備盡孝道崇禎十

七年撫院題請入節婦祠

陳爰諏妻王氏

諷死於任王扶視歸里道遇安賊之變罵賊而死年甫十七崇

禎丁丑十履忠成進士具疏陳請建坊旌表

王重光妻段氏

光卒段堅守其節舅姑亡鬻產以葬督二子力學每至夜分不

倦崇禎年間旌表入節婦祠

艾龍光妻簡氏

龍光病篤簡百法醫瘡無效竟卒簡事姑盡孝守節四十年巡

按題請入祀節婦祠

魏 昇妻

姓氏失傳自幼許聘未嫁會昇以罪戍騰衝女意欲偕往然不敢言其父

雲南府志

卷之十三

人物四

五

毋欲別嫁之女乃潛製一布袋屆期赴水邊用袋盛身向內自束其口投入水中覓之不得姻家將訟屍尋浮出漁者見之事乃明

秦 春妻王氏

夫亡時王年二十二歲家計奇窘王矢志不二守節三十三年

督學蔡雲程聞於臺院屢加旌焉壽六十五歲卒

吳 鑰妻戴氏

自二十七歲守節紡績自給茹苦終身

李光憲妻張氏

夫亡遺孤襁褓舅姑在堂張年時二十四矢死不二孝姑撫子

守節四十餘年

劉 悌妻常氏

夫卒時遺孤甫三月常年二十六誓不改節以女紅自給各其

子曰大節後成立為諸生聚嚴氏節尋卒家道益替嚴甘貧守節克撫其子中庚午鄉試



鄉人稱爲  
雙節云

沈國英妻孫氏

其翁沈朝惠早亡惟孀姑張氏在堂國英與孫奉事惟謹俄國

英又卒孫茹苦守節撫幼子林成立孀居六十年八十四歲而卒其姑張氏亦孀居六十五年九十三歲而卒雙節繼美鄉里稱之

吳承祚妻繆氏

夫死無子其貧守志垂五十餘年

封錫屢妻王氏

錫屢萬曆癸卯鄉薦任浙江壽昌令卒於官王年三十二子皆

幼扶襯歸家其貧課子後二子皆成名守節三十七年而卒

羅必舉妻張氏

夫亡時張年二十家甚窶堅貞守節撫幼子羅緯成人年七十

三歲而終

雲南府志

卷之十三

人物四

六

杜外徵妻白氏

年二十二夫亡遺子連甫二歲白守節撫孤廉年十九亦故白

大慟曰我所以未亡者爲有杜氏遺孤耳今子死我生何爲三日不食自縊死

方袍妻俞氏

年三十夫亡遺子孤幼家徒壁立女工自給夜僅一燈供紡績

四子環燈讀書俞察其勤惰督訓之守節多年後四子皆成名司道府屢旌獎之

劉傑妻吳氏

幼嫻內則夫任北直河間府學博卒於官氏年甫二十八扶襯

歸葬祭如禮訓子女成立守節六十二年壽九十一而卒

李潔妻楊氏

年二十夫卒生遺腹子士標矢志不二訓子成名事母極孝人

以爲節烈之  
報院道旌之

李文徵妻熊氏

夫亡時熊年二十五歲苦志守節撫幼子成人壽六十七而終



見孫二  
輩矣

吳 詔妻張氏 詔右衛人亡時氏年二十六事  
舅姑撫三子始終不渝其節

嚴 清妻施氏 光祿少卿昱之女屢封夫人端  
淑整潔樸素無華理門內之政

子弟僮僕肅然悼之年八十  
卒家教靡馳一如公之存也

李克明妻楊氏 百戶楊某之女賦性賢淑自歸  
克明善事舅姑周恤親黨無忝

婦道夫亡楊甫三十即堅志守節至七十一  
歲訓子向陽茂陽皆成立向陽嘉靖癸卯舉

人茂陽嘉靖甲午舉人鄉司徒即劉虛湖司  
空即葉兩湖太史楊升菴觀察張肖甫皆有

詩贈

金應斗妻張氏 賦性端嚴緘默貞靜不輕顰笑  
賦性端嚴緘默貞靜不輕顰笑

雲南府志

卷之三

人物四

癸

四子皆成名守孀四十五年至順治戊戌年  
開

大師入滇流寇潰兵肆掠同闔家避兵于羅畝  
之黃毛箐氏謂諸媳孫媳曰萬一寇至我年

已七十死亦何憾汝輩稍一受辱貽羞家世  
可援崖山避我率家人孀女在此勿以我為

念也諸媳等泣拜而去不一時潰兵至氏厲  
聲罵賊曰我家世受國恩爾毛賊欲害我耶

死亦不怨即奮身投羅畝河而  
死諸媳諸孫媳皆得保全焉

楊達儁妻楊氏 順治丁亥年聞流寇到滇即與  
女為盡節計繳線為繩二一授

其女一佩于身時刻以死自誓  
後兵至省竟同女局戶自縊

熊卜尚妻梁氏 順治丁亥尚病故梁年二十二  
守節四十餘年績紡度日貞白

不渝教訓孤子成人事孀姑而盡  
禮備歷艱辛已經申詳請旌在案



沐天波母陳氏

乙酉沙逆之變士民奉陳氏至朝陽庵避賊陳聞其媳焦氏自

焚笑曰若能如此誓無憂矣亦自焚死

沐天波妻焦氏

焦江南人乙酉年沙逆變作天波奔逃西滇民奉焦氏至城北

金井庵避之其姑陳氏遣人問計於焦焦曰吾家累世重臣身為命婦當死宗廟遂舉火自焚時幼女在旁見烈焰起懼甚焦強抱同死

沐天波女瑞貞

貞甫十齡許配劉文秀子劉子痘瘍天波謂女曰汝婿死矣我

將往弔及至劉文秀第家人馳報瑞貞自縊遂與秀子合葬

完嗣昌妻太氏

聘而未聚昌病篤往奉湯藥不三日而昌卒太年甫十六守制

不回母家事翁姑二十餘年後翁姑卒祭葬以禮完門無嗣乃依姪太運昌運和紡績自

雲南府志

卷之十二

人物四

七

給玉潔冰清不履外庭苦節六十六年壽八十二而終

常禎妻沈氏

性貞靜勤儉事其姑以孝稱禎疾五載凡飲食藥餌無不備歷

辛苦及禎卒場力持家訓四子諸孫俱皆成立飲冰茹苦閱三十八年如一日

施于身妻嚴氏

於崇禎丙子年適施甫七月施以公車赴禮闈不第除仙居令

值流寇猖獗道路阻絕嚴笑笑獨處率諸婢針黹以養翁姑逮沙會陷滇翁姑相繼以歿嚴拮据殯葬後為夫弟婚冠授以家事時兵戈槍攘恐不能自全屢以死計因婢防視得免後至辛丑年于身始歸感其貞烈敬而禮之以壽終

毛從讓妻劉氏

讓平時劉年二十四歲清苦自甘矢志靡他撫孤子毛義成立

娶媳魏氏未幾義亦蚤故遺孫瑀甫一歲劉與魏多方撫之保有毛嗣壽七十一而終



毛 義妻魏氏

年一十八歲義故遺孤毛瑀甫一歲人以爲魏少難於劉劉察

其意無他也魏聞而嘆曰吾姑不忍負吾舅而守吾夫吾豈獨棄吾夫耶誓死孀居以成姑志事姑倍謹一門雙節當時稱之

本朝

李 恪妻楊氏

順治丁亥年避兵曹溪石洞遇賊搜掠投崖而死

吳國慶妻閔氏

慶死閔年二十三撫子成立守節五十二年丁亥流賊入滇氏

罵賊投井死

施堯心妻龍氏

戶部郎合川龍公孫女也歸施七年而寡順治丁亥四月流寇

入滇龍與媳蔡氏金氏孫媳朱氏女金妹孫女海長闔門自縊又有前妻女劉門施氏姪

雲南府志

卷之十三

人物四

八

女周門施氏段門施氏姪婦傅氏皆同時自縊死人稱施氏十烈

嚴 賓妻徐氏

恭肅公清季媳也年六十四流寇入滇時召諸婦女聚於一室

訓之曰吾家世受國恩今賊至死得所矣遂舉火自焚隣里救至止之不得已乃與諸婦

女別徙一室相繼投縋其時死者爲長媳白氏王氏次媳羅氏季媳施氏孫女萬門嚴氏

張門嚴氏女李門嚴氏幼孫女壽貞二妹姪婦韓氏姪孫婦何氏姪孫女淑貞表姪孫婦

胡氏時有長孫媳任氏在母家聞信亦自縊時小窰村佃民楊思義妻陳氏聞田主嚴門

闖家盡節夫婦亦投井而死至戊戌之變嚴敏培妻丁氏避難北山聞敏培被擄復自縊

其繼姑張氏女錫慶嚴恕培女大妹又相繼自縊十二年間兩番死節者一門共十九人

黃之龍妻唐氏

沙會叛夫婦移居官渡丁亥流寇入滇之龍以事往省阻於道



氏聘望至晚未回慮有辱身之禍遂自  
經之龍感其節亦薙髮而歸諸釋氏焉

陳履蘊妻劉氏 世亂家貧夫婦傭工自給雖流  
離患難中亦相敬無怨色俄而

履蘊病篤氏哀毀痛切告助  
隣里哭禱於天夫死亦自縊

薛之蕃妻楊氏 歲丁亥流寇入滇氏與之蕃泣  
別從容就義有二女年俱及笄

與其女俱自縊死  
之蕃亦終身不聚

趙廷璧妻黃氏 歲丁亥流寇陷曲靖氏有妹適  
曲靖蔣氏者城破被執墜井死

氏聞訃泣日吾妹見賊而後死  
何若先死之為愈乎遂自縊

何 誥妻王氏 許聘而未嫁順治戊戌十二月  
兵變其父送歸夫家尚未成禮

與姑妯避亂於石壁村適潰兵至氏墮入深  
巖得免及己亥元日泣別翁姑閉門自縊

雲南府志 卷之十二 人物四 九

徐 大妻竇氏 順治戊戌潰兵肆掠與其子徐  
學中女徐大姐一門自焚而死

范立朝妻王氏 順治丁亥流寇入滇于孫女  
性存慷慨賦詩殺菱角塘而死

丁炳南妻金氏 順治戊戌春同弟丁焜南妻任  
氏小姑丁氏避兵於北山羅母

之五道河聞潰兵  
將至俱自縊死

金應麟妻朱氏 順治戊戌兵變隨母避兵投  
明池死土人哀之瘞於高嶠山

單允若妻李氏 單有心疾遠逸李苦志自守順  
治丁亥流寇至李殺板灞河死

羅 綺妻張氏妹羅氏 戊戌潰賊肆掠俱避兵  
於羅家營勢漸急俱不

能保對夫日人生各節所關萬有一失雖生  
猶死才能體志翁姑亦如我生遂與妹縊亡

葉凌雲妻楊氏 戊戌潰賊肆掠恐被執受辱於  
暮夜自縊死凌雲倉卒焚屋骸



骨俱化其心獨存鄰里以為異

熊才妻司氏

張耀妻李氏 熊與張姻家也戊戌十二月兵變熊妻司氏張妻李氏約同死

節從容拜告天地祖宗互相酬酢各抱幼兒女共投南壩開塘死

楊順成妻舒氏 戊戌兵變人心倉皇氏慮有不則乃以毒物塗身仍剪髮垢面

自灸成瘡為隣婦所嫉許其患處非瘡遂被執抗節不辱於是夜自縊死

沈應蛟妻胡氏 戊戌潰兵肆掠告夫曰婦人值此兵亂之際豈能再生君請自

避毋過為我慮也遂自縊死

高遇說妻何氏 賦性貞烈克盡婦道戊戌兵變泣拜翁姑日婦生恐失身死慮

雲南府志

卷之十三

人物四

十

失養幸有夫在可無憂也翁姑泣慰之不聽遂潛閉一室與姻家黃氏姊妹高氏同縊死

徐盛妻卻氏 順治丁亥流寇至自縊而死女徐氏聞之亦投雲津橋河而死

何一貞妻符氏 年三十歲夫故遺伯仲季三子皆幼符紡績自給苦志哺養未

幾伯仲皆亡僅存季子何惠親族恐不能守每以言探之符號血自誓撫惠成立守五十

六年鄉鄰罕識其面者

李祚昌妻謝氏 順治戊戌年十二月內被潰兵燒打其夫厲聲罵賊賊欲殺之

轉身閉門自縊死

張翹妻周氏 孀居二十六年於順治戊戌十

二月內見潰兵肆掠周恐為賊所辱投井死之



胡汝英妻孫氏

英故時年三十歲長子尚幼次子襁褓孫哭廢寢食謂二子曰

汝命在天我將與汝父同死親鄰強勸方起食事親克孝撫二子成立年八十二終

周祚與妻楊氏

事翁姑以孝倡隨有禮戊戌瀆

少且懷孕謂祚與曰事急矣妾懼不免願以一死釋君累祚與泣曰爾一死則殞二命盍避之氏曰妾固知其必不能免也奚避為遂

潛至內室自縊死康熙丙午士民呈請旌獎同時自縊死康熙丙午士民呈請旌獎

二十七年撫院石琳表額曰松筠勁節

朱 鼎妻張氏

避兵於官渡木龍村聞兵將至

遂同寇氏左右各縊死

任允升妻趙氏

歸三月值戊戌之亂避兵於羅

雲南府志

卷之十三

人物四

士

能免遂與長妯薛氏次妯瞿氏二姑任氏次姑黑姑姪女大妹及使女二人俱投水而死

今栗澤河頭土人鑄碣識之曰任氏一門八女死節處

楊三畏妻陸氏

楊偉秀妻汪氏

戊戌兵潰同避於複壁中覺而被執賊窺二婦皆少艾欲掠之

氏給之曰姑緩我櫛沐同去好賊喜不忍逼二人乘間把幼子投井死

山 崙妻趙氏

順治戊戌冬瀆兵肆掠人皆避氏獨矢死不去及聞警遂與

媳王氏幼女山二姐三姐孀姊沈氏姪女山氏幼姪女山二姐姑姊山氏表姪女徐大姐暨同居婦楊氏同縊於

一室里人稱十節焉

戴立禮妻孫氏

戊戌冬瀆兵肆掠自縊於省城之城隍廟前



顏 綸妻王氏

順治十五年十二月潰兵搶掠  
氏與綸決曰男子失節尚且污  
名况婦人乎好保護三子無  
為我憂也言訖自縊而死

白應科妾馬氏

陝西漢中府人賦質幽習操志  
貞潔康熙二十二年應科任雲  
南按察使馬隨之官時應科遭疾危篤馬親  
嘗湯藥衣不解帶矢志相殉及科卒哀痛益  
切拒食投繯而死時年二十二歲當事詳  
表其節無名氏有詩弔之詩載藝文志

傅景明妻唐氏

夫卒唐年十八守節五十六年  
孝事孀姑撫子及孫拮据甚苦  
康熙三十年具

題旌表

○富民縣

明

雲南府志

卷之十三

人物四

三

許純臣妻謝氏

賦性端潔善事翁姑值戊戌潰  
兵搶掠謝慮不免以節自矢泣  
謂子曰好從爾父吾不能復顧矣言訖自刃  
而死太史董訥按察使許纘曾以詩弔之

○宜良縣

明

嚴可富妻高氏

夫卒時高年二十七歲堅貞自  
矢勤女紅以給諸子一日墓祭  
歸途拾銀八十餘金訪其人還之其子鎮聚  
妻汪氏鎮亦早卒汪撫遺腹子容矢志如姑  
鄉人稱為嚴氏雙壁大學士李東陽作傳謝  
遷作記巡撫王啓作贊以美之後容與二子  
俱中鄉試人以  
為貞節之報

李 華妻王氏

少通孝經列傳年二十一歲而  
夫亡生年三月各之日節



以課讀守節五十餘  
年子亦奮志得仕

陳永川妻陳氏  
年十七歲夫卒守節訓  
子成立年八十五而終

○羅次縣

明

幸際時妻張氏  
孝事翁姑姑疾備盡辛苦割  
股救之天啓間按院旌獎

○晉寧州

晉

李秀  
寧州刺史李毅女時寧州歲饑五苓彝  
反圍州城毅適病卒人以秀明達有父

風推領州事秀獎勵戰士嬰城固守城中  
糧盡炙鼠拔草而食伺賊稍怠出擊破之

雲南府志

卷之十三

人物四

三

明

王綸妻史氏  
綸亡史年二十誓  
不改嫁奏聞旌表

趙翰妻段氏  
年十八歸翰二十翰亡截髮守  
志撫孤養親勒碑夫墓豫刻已

姓以表同穴孀居五十八載當事題准部覆  
云綱常風凜貞性天成青年勒同穴之石志  
已不在人間皓首堅斷髮之盟歿亦何  
漸地下芳名不朽彝典有光奉旨旌表

胡道明妻王氏  
夫亡時王年十九家貧無子矢  
志堅貞孝養舅姑以壽終守節

六十六年題奉  
旌表准入祠祀

唐銜妻陳氏  
夫卒陳年十九家貧無嗣姑諷  
以改節陳泣滂如雨姑病親嘗

湯藥雖親戚不輕出見如  
是者六十年撫院旌之



蕭必達妻任氏

夫亡家貧未能舉喪子雲龍甫一歲姑年七十任年十六紡績

為生越二年姑亡兩喪在堂勉治喪事苦節五十餘年撫子成立後受旌獎

李名奕妻蕪氏

奕故蕪年二十五堅志自守紡績以養翁姑撫二幼子成立艱

苦四十九年婦道母道金稱無愧當事旌表

凌懋妻孫氏

夫亡有巨家慕其賢競謀委禽孫號泣截法竟不能奪奉旌表

瞿鸞妻孫氏

順治丁亥孫同夫避兵晉寧遇流寇潰兵相逼罵賊死人哀之

蕪政妻段氏

夫亡時段年二十一姑慮其少不能守欲奪之段潛入暗室斷

髮自縊姑覺而救之自是閉戶食女紅之力以養其姑號泣喪明

楊世泰妻段氏

泰卒段年二十二誓不再嫁孝事舅姑撫遺腹子成立

雲南府志

卷之十三

人物四

古

楊大詔妻孟氏

夫卒無子孟年十九矢志堅貞孝養翁姑守節五十餘年卒

段法妻劉氏

夫卒時劉年二十八苦志守節當事旌獎內有克孝八旬之姑

善撫二齡之子嚴霜松操白日丹心之語年六十三卒

○呈貢縣

明

李志恭妻王氏

生二子皆幼恭疾王誓不相負後有見其貧甚以言微諷之者

王泣曰吾與二子相為存亡耳子皆成立奏聞旌表

李大倫妻劉氏

夫卒無子堅志守節撫幼姪延馨舉經魁任知府萬曆四年奏

聞誥贈旌表



繆汝恩妻張氏

恩以公車卒於京張守節自誓養親撫孤以壽終事聞旌表

張淑顏妻蔣氏

舊歸化人年十八歸淑顏四月顏亡奉侍翁姑誓不再嫁

黃大才妻夏氏

舊歸人夫死守節孝事翁如夫存時

李孟祥妻文氏

年十八夫亡子軫甫數月文事舅

變而軫又卒復撫弱孫瑞麟成立守節六十二年壽八十而卒

本朝

張夔龍妻趙氏

順治己亥年與其女張氏八妹九妹驄妹孫女曲詔幼媳章氏

同避亂於石洞為亂兵所得氏顧其女媳曰財物盡矣夫與子受拷恐辱及其身不如一死以謝於是女與媳環拜其姑相對而縊氏即觸柱嘔血自盡

雲南府志

卷之十三

人物四

五

○安寧州

明

趙文秀妻楊氏

夫亡教子志操無替事聞旌表

王璽妻李氏

年十九而夫喪伏棺哀痛欲殉以死母武氏知有遺腹以續嗣

事曉之乃悟茹蔬斷腥每食必薦主後雖生女不以易也歷四十年終萬曆十五年題表

陳孟章妻田氏

章先聚楊氏楊卒繼聚田氏楊遺有子文田視如親生及章故

田年二十有一號呼欲絕刺面毀形敬事若翁撫育子女寡居四十年不易初志萬曆三十一年題請旌表

趙芭女淑姐

女年十四許聘未歸因鳳賊之亂慷慨自誓以衣蔽面投水死



具題建坊旌表

楊昭妻彭氏

順治戊戌年聞潰兵肆掠氏按河而死時年三十六州守立扁

旌表

孟之功妻郎氏

順治戊戌年有潰兵入宅氏越墻投水死年二十六州守旌之

許廷議妻孫氏

順治戊戌潰兵西遁氏夜避廟中次日負二子出不見其夫置

子於地投入水塘夫竟不知其所在祝天尋覓九日後屍始浮出州守旌曰節砥中流

楊大爵妻張氏

夫死無子苦志守節寡居三十八年而歿與夫合葬

羅天文妻洪氏

順治丁亥年聞沙逆叛氏即以利刃藏身後為那酋馬提調所

獲文遂巡踵其後賊欲兵之洪給之曰此非我夫也將入賊門洪大聲逞囑其夫曰君放

雲南府志

卷之十三

人物四

五

心歸吾必不負君也遂出所佩刀自刎死州守張斐然親祭其塚立碑旌之

羅肇龍妻楊氏

昆明楊達儁女母楊氏聞流寇入省授之一繩期與同死及賊

至氏即將母所授之繩同母局戶自縊至今與母合葬焉

張維樞女張氏

年甫二十一於順治丁亥年流寇入省避兵羅辰島中為賊所

獲欲污之氏寧死不從賊怒刺死於岩下

尹弼妻楊氏

順治丁亥年賊入其室強逼之氏以死自誓賊防鎖甚方乘間

奔出投房右水塘而死

陳瑞妻施氏

瑞以舉人於康熙五年間任元江府教授甫閱月卒于任氏持

節茹蘗飲水迄今三十五年撫子若孫皆守



一人高其節義  
州申報旌獎

陳應賢妻董氏

夫亡子幼家貧董紡績易食茹苦五十餘年事繼始以孝崇禎

庚辰年具  
題旌表

楊思恭妻傅氏

氏九章女也年二十七夫卒欲以身殉因孤老子幼忍志守節

凡歷五十六  
歲始終如一

楊宗魯妻陳氏

陳即傅氏媳也年二十四夫亡事孀姑撫幼子貞潔自守苦節

四十餘年  
與姑比美

朱敬脩妻孔氏

年二十五而夫故栢舟自誓撫兩幼子成名守節四十八年八十

三終後以子  
貴贈宜人

雲南府志

卷之十三

人物四

共

趙宇妻楊氏

宇卒楊年二十四誓不再嫁守節四十五年六十九歲終

李焯元妻陳氏

元病篤時陳年二十七告天剖股醫禱備至願以身代及及誓

不再嫁年八  
十餘而卒

謝澱妻朱氏

年二十六澱故堅心守節僅一子為兵所掠立任續嗣孝事孀

姑養生送死喪葬以禮  
年六十二卒鄉里欽之

○祿豐縣

明

王衢妻陳氏

夫卒陳年甫十六伯叔憐其無子欲奪其志陳赴水死賴鄰婦

朱氏救免終身  
守節奏聞旌表



王氏 夫名失傳早歲食貧守節孝事翁姑葬翁姑畢縊死墓前事聞於朝詔建貞節坊旌之

王業元妻許氏 早年喪夫孤潔自勵鳳賊叛恐為所逼先自刎死詔賜配享忠烈祠

周氏 周天昌女賦性貞烈年十五未字順治丁亥聞沙賊叛恐為所獲遂閉門自縊而死

彭氏 夫名失傳年十六夫亡守節孀居隣里罕見其面順治戊子賊兵肆掠恐為所逼投河而死

李芸妻劉氏 年三十六歲夫亡遺孤惟恭及桐家無倚靠劉典釵茹蘗守志

雲南府志

卷之十三

人物四

五

不移遇荒年採棠花薇蕨糊口守節五十年長子惟恭次子桐皆有成立鄉里高其義請于當事旌之

呂啟貴妻李氏 年三十二夫亡堅貞自矢撫四子成立守節四十年鄉黨稱之

潘元妻李氏 年十六歸元奉姑張氏惟謹元年卒李年二十六撫侄為子成名守節三十六年人言無間

本朝

王錫衮妾尚氏弟婦宋氏 明侍郎王錫衮與衮年因衮死沙賊之難恐受污俱自縊而死



王氏 早歲孀居家貧苦守事翁姑以孝名凡歷三十餘年絕無塵玷公姑葬畢即自

縊墓前事聞詔建貞節坊後燬夫名失傳

王崇元妻許氏 早年喪夫孤潔自勵鳳賊之難恐為逼辱先自刎死奏聞詔賜

配享忠節祠

本朝

王錫衮妾尙氏弟婦宋氏 明侍郎王錫衮與衮

年因衮死沙賊之難恐受污俱自縊而死

○昆陽州

明

雲南府志 卷之十三 人物四 七

陳梁妻劉氏 梁卒時劉年二十二二人欲奪其志劉誓死不從竭力以事翁姑

撫幼子成力年逾八十萬曆間臺司旌日節壽

李舜耕女李氏 性敏篤孝父疾危氏識藥按脉調治衣不解帶食不遑味設香

鰓天求以身代父愈州守王樸表其名曰孝懿

洪銳妻李氏 夫卒誓不再適自二十六歲守節七十年壽九十五終

李世馨妻耿氏 性淳厚端莊馨歿耿年二十三斷髮入棺勒名共石矢志不移

守節終身有司旌之

吳英妻陳氏 英歿陳年二十一家貧苦節撫二子成立孀居六十餘年壽九

十終州守奉文建祠旌之



高甫妻趙氏 夫亡時趙年甫二十餘矢志守節 於祠知州陳萼為詩以記

年如一日卒後臺司奏祀

傅爵妻姜氏 年二十而寡撫其子以任教以義方後子成立士民白於臺司

表揚

劉奇東妻任氏 夫亡家貧甚任氏時年二十七紡績教子誓不再適壽八十六

終有司旌之日其貧守節

楊體純妻李氏 夫亡遺子甫三歲李撫之成人事舅姑不怠自二十五歲守節

凡四十五年壽七十終

楊士葵妻洪氏 夫歿時洪年二十八其貧紡績訓二子逢堯逢元成立年七十

雲南府志 卷之十二 人物四 六

一終停柩於家鄰右回祿火燄及柩而止人以爲節孝之應

本朝

邗淑妻李氏 淑殿守節順治丁亥年流賊至赴火死

胡彬然妻王氏 順治丁亥年流寇抄船氏被執殲首流血殞水死後三日夫尋

屍忽湧出顏色如生彬然痛其節義不再聚壽今八十九歲猶存

徐英妻段氏 英為邑庠生卒之時段年二十有九柏舟自矢撫孤子徐純一

成人後遊泮食廩餼勤苦不替守節五十年壽八十而卒其子純一篤孝訓子五人成

名鄉人欽之

王養正妻洪氏 洪年二十一夫亡有遺腹五月洪誓不他適生子名順天撫育



題旌表 成立守節四十七年康熙二十四年具

王順天妻楊氏 少適順天孝孀姑洪氏甚謹生

節訓子來賓入泮州人稱為世貞守節三十二年卒康熙二十四年具

題旌表

吳然妻安氏 夫亡時安年二十九誓不再適

幼孫惟孝甫八月安復茹苦撫之其媳朱氏年二十餘歲亦效姑守志州守唐之栢旌匾

曰其節可嘉

陳榜妻李氏 年二十八歲夫染瘡病臥床第

以身代既卒誓不再適日夕紡績孝養翁姑及翁姑歿李拮据殯葬撫孤其恕其思成立

雲南府志 卷之十三 人物四 九

克肖年屆六旬勤苦不替康熙三十二年督學道孫起綸旌匾曰苦節守貞本府張毓碧

旌匾曰松筠懿表州守蔣廷銓旌匾曰含貞隱曜鄉人榮之

○易門縣

明

李廷聘妻楊氏 廷聘早卒氏年二十一姑老子

旌獎有青齡失偶白首完貞辟纊養姑義方訓子五十載節凜冰霜七十年芳馨蘭蕙之

語至今人傳述之

但存義妻馬氏 夫卒遺孤昌魯方在弱齡馬勵

鄉里及筮仕馬氏年已九十 二女有司奉其門曰孟門



梁氏相妻梁氏 氏 志守節 萬曆二十年題請建

坊旌表

瞿 銳妻段氏 夫亡時段年方二十守節 教子歷五十年壽七十終

張文彩妻王氏 年少喪夫堅志守節奉姑教子 無異夫存歷四十餘年足不履

庭外里人無間 言建坊旌表

宋足徵妻周氏 氏賦性堅貞年十九喪夫忍死撫 子子亦早卒復撫幼孫苦節凡

六十餘年不替 壽八十五終

毆 浚妻但氏 浚亡但年十九誓不改節撫 二幼子成立壽七十二終

○嵩明州

雲南府志 卷之十三 人物四 三

明

劉 琛妻丘氏 舊楊林所人琛亡丘年二十二 守志不渝撫遺腹子緒成立成

化間奏 聞旌表

羅 江妻李氏 江為南昌司李邁危疾李氏躬 嘗湯藥割股療治竟弗愈及死

扶柩歸里哀慟喪明適有寇至焚劫一空李 抱夫遺像投水毋姊救免益勵苦節嘉靖間

旌表

楊 鈞妻李氏 鈞任永安守卒於官氏慟哭幾 絕攜幼子扶襯歸里至廣陽堡

遇寇恐為所辱遂赴水死永安人思鈞 之清高李之節烈建雙節祠於江干

鄭 儒妻洪氏 儒讀書太學卒於京洪聞訃至 屢縊以從姑救之得免守節



與姑同寢食閭不踰衣  
不緣督課幼子成立

孟

欽妻黃氏

欽亡時氏年二十夫志守節克  
孝舅姑遺孤半歲艱苦教育成

人守節以終鄉  
里稱其節義

楊友善妻劉氏

年十八夫卒劉撫其遺腹子成  
立事舅姑無怠志節孝兼盡里

人稱  
之

楊正明妻尹氏

夫卒無子舅姑在堂氏守節孝養  
飲水茹藥自二十一歲至七十

九苦志五  
十年而卒

周鳳起妻楊氏

姑陳氏遭疾割股救愈及夫卒  
紡績供養撫二幼子成立冰霜

苦節至六  
十二而卒

雲南府志

卷之十三

人物四

三

管宗本妻李氏

善事舅姑克順夫子夫有疾割  
股侍奉後夫死撫子四人俱能

成立

史書妻丁氏

性貞烈年二十三被兵掠去掠  
之日水漿俱不入口是夜縊死

竟無  
失節

本朝

蒲葉盛妻李氏

盛卒李年二十四有六旬繼姑  
七月幼子盛以屬之李克承夫

志茹苦守節躬事紡績奉姑教子孝謹不替  
後子易藩舉甲子鄉薦守節凡二十六年康

熙二十九年士民公舉奉詳候

題旌獎

張弘任妻蘓氏

秉性堅貞克盡婦職姑與夫疾  
俱割股療治夫卒蘓年二十六



題旌

事姑孝謹撫子成名康熙二十九年士民公舉奉詳候

○宜良縣

藍

彬妻萬氏

幼而喪夫苦志守節凡四十年不易其志

雲南府志

卷之三

人物四

三



雲南府志卷之第十三

人物志 五

隱逸 方技 附

雲南府

昆明縣 附郭

宋

張 俞

益州 罷隱士 康定中 上宰相呂彛簡 書請先治內而後治外 其論甚正

明

郭 文

字仲炳 無家室 買舟青草湖 寢處其中 嘯吼自得 因號舟屋 黔國公聞而造之 避深蘆中 不肯相見 一日揮去 侍從携小童 幅巾斗酒 移棹物色之 相與論詩文 縱談古

雲南府志

卷之十三

人物五

一

今訂為布衣交 所著有舟屋集

倪 輅

少領鄉薦 授四川威遠知縣 力辭不赴 退居林下 惟閉戶著書 博通典故 同楊 脩撰升庵編 輯南詔野史

白 先繪

賦性端方 博古辨物 以歲薦授廣西博 白教諭 養母不仕 善治鑄 三代鼎彝 古 器富家 以多金 求之竟不可得 人常以詩畫 相易卜筮 於陞山之麓 年八十五而卒 至今 猶相傳有白 爐康硯之名

熊 之龍

字振潛 少穎異 卓犖有大志 崇禎丙子 以歲薦入京 考授知縣 忽發嘆 日世亂 親老 何以仕為力 辭歸 養築別業 居之 娛親 外則好歌咏 陶然山水 與一二野老 問答言 及時事 輒托以醉 少頃復起 狂飲 三十餘年 若不知身處何代 有所著述 輒焚去 今不傳



康 誥 嘗著破靴人稱康破靴無妻子獨處一室好讀書性嗜酒有招之飲者輒至予

以錢米不授善洞簫書注祝允明君嘗以王屑和泥置袖中團弄陶作硯堅潤類未央銅雀人名康硯然亦不多作間為一二以貽親識至貴介求之則不可得好事者日與之飲乘醉索之或伺其窘急出質則得之質必故交或文人高士若富家大族雖購以重價不授也丁亥歲饑貧甚一夕飽食卒

陶 虞 別號星予嘉靖丁酉鄉舉仕至承天府判歸田卜築西寺之右日望西山吟哦而已屏跡城市自老無求太守鐘公造門請為鄉飲大賓辭不獲乃入城隨拜親識然非其志也因作詩云可笑彝門老賓客

等閑卻上信陵車從此遂不復出

全 燧 昆明貢士性穎篤力經學註太易微言郡邑俊秀咸宗之樂道不仕訓子有成

雲南府志

卷之十三

人物五

張 戩 郡廩生讀書不仕按院觀風作五經藝考通省第一布政郅公延教社學生徒

畢集因久雨墻傾戩同妻杜氏皆斃而懷抱三歲子尚活郅公育之有成善人宜有後矣

楊 惟峻 字竹林博聞強記工舉子業值沙逆變喟然日可以隱矣遂絕意仕進居南郭

有地數畝種竹千竿構室棲心足不履市嘗自題日性骨前身香案吏頭顱半世竹林園年四十妻亡不娶終日危坐無情容賓客至者寒溫之外無一言年七十餘猶手不釋卷

張 其恭 字安甫以孝廉仕為縣令免官歸隱於北郊岡頭村足不履成市躬耕以終

楊 文林 字質可以端方範後學夫婦相敬如賓人以梁孟目之每日脩身齊家四字學

者於此關甚是難透明末以歲貢例授學正堅辭不出平生不飲酒喜與王玉振遊

郭 之建 字用皇以明經授馬龍學正辭職歸林每以詩酒自適尤工於書類黃慎軒手



筆源士多宗之晚卜居近華村  
之棕樹園年八十無病而逝

周文郁 庠生得五雲淳厚之氣為多士林無不  
服其義晚年失聰貢試之日為副所給

學使以副言問之郁但唯唯  
遂為所得及覺之亦無競也

王琦 字王振來儀子博學能文尤工於字及  
父殉難隱居安寧山中以詩酒日放間

至城市人竟邀之日有酒即往每醉後索筆  
作書淋漓道勁類李北海童穉皆知其名

張炳奎 號喬星性嚴行潔事親盡孝焚券恤貧  
隱居受徒學者宗之安貧樂志以終

丁焜南 字彥冲器質端潔寡言笑博極羣籍嘗  
謂聖賢理學惟敬惟靜久之自有真得

日惟閉戶讀書正襟危坐與兄  
弟相師友終其身不欲以名著

孫光豫 字懷鳩清愍公之孫也博洽儒書兼精  
岐黃深得仲景之秘明末授太醫院院

雲南府志

卷之十三

人物五

三

判尋解職隱居專心利濟凡治病無論貧富  
一體視之未嘗計利族黨中有婚喪疾苦者  
必竭力捐助施仁好義終始不  
逾後年九十二歲無疾而終

富民縣

明

陳大華 號雲剛嘉靖己酉副榜應隆慶戊辰歲  
貢授四川瀘州訓導甫蒞任即辭職歸

田躬耕課子撫按屢招之  
不就表其門日畱餘清隱

宜良縣

明

李佩 字玉帛性恬退雅好詩酒服官兩月  
即拂衣歸田與名流為山林之隱



鄭重 字芳彥博洽經史尤長於易數授黑井  
教諭聞流寇至奮然解組窟居吟咏足  
跡不履城市人謂  
共有古逸士風

○羅次縣無

○晉寧州

明

朱

璣

字和齋隱居樂道嘗有詩日林泉深處  
占清幽竹杖綸巾六十秋醉裏有詩酬  
草木枕邊無夢到公侯牙籤插架因兒買樽  
酒芻藜為客留一自騎鯨蓬島去年年風雨  
使人愁

邵忠

賦性高雅遯跡丘園好吟咏有昏夜向  
來曾化盜清溪老去尚流觴之句年八

雲南府志

卷之十二

人物五

四

十餘卒學士  
劉翊輓之

本朝

唐

秦

字大來少時曾遊陳繼儒董其昌之門  
書畫皆臻其妙及歸放情山水巡撫錢  
士晉稱為雲中一鶴御史李一鵬以南中高  
士許之晚年隱於僧別號擔當所著有擔使  
者集

○呈貢縣

明

殷

才

字育之成化十七年遊北雍雅有匡時  
之志屢上書言時事如建堡以免鄉夫  
之勞減賦以甦沁田之困皆其條議迨歸絕  
意仕進躬耕自適直指使趙璧同舍生也嘗



造其家才於田間荷之畱款雞黍壁憐其貧意欲優贍才終不造謝人稱其高

葉

仲字汝南居艸南郭外周矩魯純奉為趨步一言動不苟邑人多所瞻式後以貢

歷蕪州學正歸隱居故廬不輕出年八十餘終

○安寧州

明

張

維天順間人操行高潔端謹持身每於日用處體認天理隱居讀書該通六藝時

人稱楊林有蘭安寧有張焉著詩文若干卷

楊廷光

性淳簡寡交遊工文字登萬曆癸卯賢書不願仕進肅咏山水間以詩酒終老

陳所有

字惟虛靜誠先生後裔也性端介寡言笑弱冠舉茂才下惟攻苦博洽淹貫尤

雲南府志

卷之十二

人物五

五

精於春秋一時知名士多出其門閉戶著書窮居自樂生平卓行人以方之靜誠云

曾

祺號無咎學博才贍尤工詩古文詞屢舉不第遂棄去隱處窮約究心墳典托志

於山水竹石間所著有四書管見並詩文若干卷

○祿豐縣

明

王勸士

性愷惻好施濟為儒生時條陳地方利弊當事頗嘉納之萬曆中以明經授劍

川司訓不赴隱居教子林泉自娛以壽終子錫袞貴贈東閣大學士

○昆陽州

明



李尙文

字文仲博學能文徜徉山水嘗憾滇中

歸教鄉人時寓省城自號醉樵居士

李為棟

字殿華萬曆丁酉選貢遊太學交當世

名士學益進辭歸中庚子鄉試絕意仕

進撫按屢檄促之不起卜居昆池西偏講易授徒足跡不履城市有古高士風應鄉飲大賓四次壽八十有二

羅三極

舊三泊貢生以弱冠遊泮操行端方博

間彊記凡天文醫卜諸書無不洞悉屢

科不售後因沙酋之變遂絕意仕進優游閭里以山水文章自娛明末補建水州學正以老疾固辭隱居自樂不與世事教子授徒以終其身

○易門縣無

雲南府志

卷之十二

人物五

六

○嵩明州

明

蘭

茂

字延秀冲澹簡遠不樂仕進讀書過目

成誦恥為章句學返求六經究心關閩

濂洛之微欣然有得乃匾其居曰止軒以著述自娛其所為詩文皆高古有深意一時學者宗之崇祀御賢

賈惟孝

字若曾博聞強記工詩文尤邃於醫孝

親友語不樂仕進綽有古風楊升庵徐龍灣雅重之皆贈以詩所著有刺詩閒吟藁

万技

明



黃拱斗

字文極晉寧人性穎異多讀書旁及百家技藝無不精究初以計偕遊京師遇隱者授觀象之秘及歸每月預書兩賜風雷及地震妖異之事無不符合將率先言其年月日時遍別親識盡焚其書

江天水

昆明人精數學居羅漢山之蝙蝠洞每數奇中如神當沙酋未叛流寇未至時天水預告親友曰某年某月為始此地當作戰場四十年豈可居此危險中乎遂隱而不見莫知所終

郭寓民

字螳洲安寧人少業儒繼業醫能察標本精脈訣以意用方不執方以治病所治輒得効人有延者昏夜必趨視藥不計置樂施與岐黃術中卓品也受寇帶榮身卒年九十有七

雲南府志

卷之十三

人物五

七

陳鳳典

河南新野人授異人傳有接骨神術流寇攜入滇呼為老神仙凡腸出骨折苟存餘息皆能醫治甚至易骨縫腸剖肌取鏃皆人所驚見者

